



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus I. De Rubrica hujus tituli.

[urn:nbn:de:hbz:466:1-73045](#)

retinendum, iustè acceptum, sine dubio pro foro poli non erit expectanda Judicis sententia. Si autem officium per alium, absens loco, peractum foret; & absens etiam per Ecclesiam legitimè citatus, contumaciter nihilominus abesset, fructusque recipere, restitutio quidem pariter facienda esset ex Ecclesiae constitutione, ut patet ex textu, nec opus foret sententia Judicis, condemnatoria ad poenam; cùm jam lege definita sit, prorata temporis, secùs declaratoriā criminis, ut diximus l. 1. tit. 2. de confitū.

¶ 140 Et quoniam hoc Decretum de poenis privationis fructuum loquitur non tantum de Parochis, sed etiam aliis quibuscumque, qui beneficium aliquod Ecclesiasticum, curam animarum habens, obtinent, sequitur 1. sub eo comprehendendi etiam Ecclesiam Parochiale, quantumvis tenuem. 2. Rectorem Ecclesiae, qui habet Vicarium ad nutum amovibilem; sic enim cura resedit in deputante illum; 3. etiam illum, qui habet Vicarium perpetuum, in quem non transtulit totam curam; secus est, si

obtinuit, ut in sua Ecclesia Vicarius perpetuus legitimè sit institutus; 4. eum, qui obtinet Ecclesiam purè baptismalem.

5. Etiam Capellum, Coadjutorem Rectoris Parochialis, auctoritate Apostolicā institutum.

6. Coadjutorem perpetuum.

7. Eum, qui habet beneficium habens curam jurisdictionalem.

8. Commendarium curatum.

9. Habentem duas Ecclesias Parochiales, unitas invicem perpetuas, æquè principaliter, & pares:

10. Etiam cum, qui habet Ecclesiam Parochiale cum Canoniciatu;

debet enim in Ecclesia Parochiali residere, licet ei maneat

fructus ex Canonicali præbenda, & solùm

amittat distributiones; quod etiam verum

est de habente Canonicatum, cui sit unita

Parochialis ad vitam obtinentis tantum

saltem resiendo per alium, ex n. 109.

Ex dictis tandem colliges contra contumacię

abentes ex præscripto Trid. Sess. 24. c. 12.

Sic agendum, ut primo anno priventur di-

midia partē fructuum; secundo omnibus,

& tandem crescente contumacię agendum

juxta Canones, ut dictum est supra.



QUÆSTIO. V. IN TIT. V. DE PRÆBENDIS, ET DIGNITATIBUS.

Cum magna pars hujus libri tertii agat de præbendis, & dignitatibus Ecclesiasticis, ac jure percipiendi redditus in convenientem officio, ac dignitati Clericali vivendi rationem, præstandasque exinde functiones sacri ministerii, congruè præmittitur hic titulus tractandis in sequentibus, ut in Ecclesia DEI decorè omnia, sanctaque, ac ordinatè peragantur; quibus positis.

ARTICULUS. I.

De Rubrica hujus tituli.

¶ 141 Cum is, qui servit altari, vivere debat de altari, c. 14. h. s. & c. 16. cod. Dignus est enim Operarius mercede suā; factum est, ut Clericis altari, seu Ecclesia servientibus, de bonis Ecclesia-

sticis, propter officium, quod præstant,

assignati sint certi fructus, seu proventus,

cum jure illos exigendi. Quoniam autem

in re omnes hi tituli exigendi prædictos

redditus ex bonis Ecclesiae fundantur in præ-

benda, vel beneficio, cui quis vicissim

præstare debet officium, & ministerium;

hæc autem non omnino eadem sint, ut

constabit ex seqq. de præbendis, & digni-

tatibus in genere, priusquam descendamus ad alia, dicendum erit. Hinc.

Quæstio est. i. quid veniat nomine 142
præbenda? Percyra in Elucidario n. 273.
dicit inter Canoniam, & præbendam esse
discremen, quod Canonia, seu Canonici-
catus sit jus ipsum spirituale, exercendi
Ecclesiasticum, & divinum officium, Ca-
nonicis incumbens; Præbenda vero jusab
hoc officio dependens ad percipiendos
Ecclesiasticos redditus. Verum sic defini-

E tur

Tom. III.

tur *præbenda* solum spiritualis; unde loquendo de illa *generaliter*, rectè dicitur, jus percipiendi redditus annuos ex bonis Ecclesiæ propter officium, & ministerium, quod vicissim ei præstatur; unde si officium sit spirituale, *præbenda* dicitur *spiritualis*; si temporale (puta auditui, organistæ &c.) *Laicalis*, seu temporalis; ex hoc sequitur, canoniam, & præbendam non esse idem; quia Canonia, seu Canonicatus est jus habendi stallum, seu sedem in choro ad cantandum, & legendum, cum voce, seu suffragio in Capitulo, quod stat sine præbenda; hinc potest aliquis esse Canonicus sine præbenda; & præbendarius sine Canonicatu, ut pluribus ostendit Barboſa in Rubric. hiujus tit.

143 Quamvis autem quandoque continat, quod quis habeant canoniam sine præbenda (& ideo Canonicus sine præbenda dicuntur *honorarii*, seu Canonicus *in herbis*, quia licet careant præbenda, sunt tamen in spe, & exspectatione proxime vacaturæ, sicut Canonicus præbendati dicuntur Canonicus *in floribus*, sic Dæſſlius b.t.q.2.) recepto tamen in Canonicum, non assignata, sed solum promissa præbendâ canonicali, cum primum vacaverit, conferenda est, ex c. *Relatum. q. b. t.* ibi: quoniam igitur dignum est, ut postquam Magister J. in Ecclesia tua Canonicus est institutus, & à te habuit in promissis de conferenda sibi prima præbenda, cum Ecclesia ipsa vacaret, ut debeat præbendæ integritate gaudere: mandamus, quatenus *si idem q. in Ecclesia tua est canonicus institutus, & in choro, & Capitulo, & aliis, quorum usus est communis, potestatem sicut Canonicus habet, ei præbendam, si qua nunc vacat, vel cum ibi primò vacaverit, secundum promissionem tuam concedas liberaliter, & assignes*: quia non est congruum, ut præbenda careat, qui in Canonicum noscitur esse receptus. Sic Alexander III. loc. cit.

144 De eodem agitur in c. *dilectus filius* 19. eod. ubi dicitur quendam T. Canonicum Liconensem proposuisse, quod Capitulum ejusdem Ecclesiæ ipsum recipere contemnebat ad præbendam, quam ipsi Episcopus in dicta Ecclesia assignaverat, & inter Episcopum illum, ac dictum Capitulum talis compositio intercesserit,

quod ipso ab eis recepto in Canonicum, & concessò sibi stallo in choro, & participatione qualibet divinorum, idem *fructus præbenda percipere non deberet, nisi loco proximo vacature*: Cùm autem super hoc apud Alexandrum III. querela facta esset, respondit Pontifex: Cùm die tum T. in Canonicum recipi, canonicis non obviet institutis, & vacaturam expectare præbendam, Lateranensi Concilio non sit dubium obviare, nos facto ejusdem Legati illico reprobato, quod est licitum approbantes: quia *videtur indignum, ut receptus in Canonicum præbenda beneficio defraudetur*: mandamus, quatenus dictos Episcopum, & Canonicos, *ut ei præbendam (cùm se facultas obtulerit) non differant assignare*, appellatione postposita compellatis. Facientes eidem portiones quotidianas, quæ fiant in Ecclesia memorata, sine diminutione qualibet assignari. Ex quo deducitur, quod possit aliquis esse Canonicus sine præbenda; & præbendarius sine Canonicatu, ut pluribus ostendit Barboſa in Rubric. hiujus tit.

Quæſtio altera est, quid hic veniat nomine *dignitatis*? *n. dignitatem posse dupl. intelligi*; 1. In genere, & sic significat gradum honoris, seu præminentia, præscindendo à jurisdictione, vel officio. 2. In specie, & sic significat præminentiam in choro & Capitulo, cum jurisdictione fori externi; sic Barboſa. *cit. n. 13. ex Gloss. in Extravag.* Execrabilis sub Joanne XXII. V. *Dignitas*, & in hac significatione accipitur dignitas in rubric. hiujus tit. Sub nomine *dignitatis* sic acceptæ (ut sumitur ex c. *Quamvis, de Verbor. signific.*) jure communi venit Abbas, Præpositus, Prior (intellige *Conventualis*, non *clauſtralis*) Decanus Ecclesiæ Cathedralis, vel Collegiata; Archidiaconus, Primicerius, Archipresbyter, Sacrista, Custos, Scholasticus & Capellanus Magnus, ut exponit Pyrrhus Corradus, *dispensat. Apostolic. l. 2. c. 6. n. 7.* Pereyra autem in *Elucid. n. 293.* ait, *dignitatis* in Ecclesia Cathedrali appellatione venire tantum Archidiaconatum & Archipresbyteratum: hæ enim in jure communi habent dignitatem ex solo nomine: alii autem personatus, & officia non sonant in nomine dignitatis, nisi consuetudo sit in contrarium, & de præposito, theſaurario, Dæcano, Præceptore & Sacri-

Sacrista, ex variis citatis refert Barbosa *Appell.* 72. n. 3. Canonicatus non venit propriè dignitatis appellatione, sed largè, ut tenet Aloysius Ricius in praxi rerum fori Ecclesiast. *refol.* 90. n. 1.

146 Not. autem inter ipsas dignitates esse inæqualitatem. Nam aliquæ sunt *minores*, aliqua*majores* post dignitatem pontificalem, quales sunt illæ, quæ in Ecclesiis Cathedralibus post Episcopalem sunt *majores*, ut notat Barbosa *tit.* n. 2. volens hanc majoritatem 4. modis cognosci. 1. Ratione temporis, 2. Ratione prærogativæ ordinis. 3. Ratione prærogativæ eridianantis, seu constituentis: 4. Ratione majoris officii. Sed Corradus *cit.* n. 14. rectius docet, eam præcipue considerari ex ordine & administratione, quamvis quandoque etiam attendatur consuetudo Provinciarum & Ecclesiæ. Nam vi hujus prima dignitas aliquando post Episcopalem est Archidiaconatus; aliquando Archipresbyteratus; quamvis jure communis ille isto sit *dignitas major*. Cœterum Pereyra in *Elucidar.* n. 293. sic loquitur: Major dignitas ea intelligitur, quæ in Ecclesia Cathedrali post Pontificalem est major cæteris. *Principalis* ea dicitur, quæ est in Ecclesia Collegiali dignitas omnium maxima. Dignitatis appellatione in commissionibus causarum venit Vicarius Generalis Episcopi, item Collector & Subcollector, deinde Commendatarius perpetuus, tandem Cancellerius Academiae Pontificis auctoritate approbatæ. ut cum multis docet Barbosa *Tract. de Appellatibus; Appell.* 72. n. 2. & alii.

Ex hoc colligitur, in hac voce *dignitas*, quoad ejus acceptiōnem saepe variare consuetudinem locorum, & statuta. Hinc rectè notat Abbas *c. de multa*, de præbendis, illiū propriè habere *dignitatem*, qui vocatur aliquo nomine, quod *injure* dignitatem significat, esto *jurisdictione* careat; quo sensu etiam habentes officium, seu administrationem & Personatum (hoc est præminentiam sine administratione, & jurisdictione fori externi) dignitatem habere dicuntur, sed sic dignitas non sumitur strictè.

147 Advertendum præterea, nomine *dignitatis* non venire *Episcopatum* in odiosis, secus in favorabilibus, ut notat Glossa in *c. 2. b. t. in 6. V. Dignitatum*, & Barbosa in *Appellatibus*, *V. Dignitas.* n. 1. Hinc *tom. III.*

illegitimus dispensatus ad omnes, & *quascunque* dignitates, etiam *majores*, non censetur dispensatus ad *Episcopatum*. Sayrus *de Cenfur. l. 6. c. 11. n. 28.* quia dispensatio, cum vulneret jus commune, ab eoquerecedat, est odiosa, & consequenter strictè interpretationis, ut rectè docet Corradus *cit. l. 1. c. 5. n. 1. ex c. 1. de filiis Presbyt. & c. non potest*, de præbend. in 6. Excipe nisi dispensatio fiat *motu proprio*, propter utilitatem publicam, favorem religionis, vel animarum; Felinus in *c. Postulati, de Rescript.* Corradus *l. 1. c. 5. n. 31.* Deinde, nisi dispensatio super principali alias non fortiretur effectum, in annexis inseparabiliter. Similiter dignitatis appellatione non venit Abbatia in odiosis, ut docet Ascanius Samburinus *tom. I. D. 1. q. 2. n. 7.* nam Abbatæ æquiparantur Episcopatibus juxta Menoch. *conf. 59. n. 133.* scilicet in favorabilibus, ut cum multis tradit Valenzuela *conf. 74. n. 63.* Dignitatis appellatione in dispensationibus nec vniuent *majores*, nec *principales*. Ita Zor p. 2: *l. 6. c. 3. q. 8.* ubi assertit, si Papa dispensest cum spurio, ut ad dignitates Ecclesiasticas admitti queat, non censi dispensatum ad *majores*, & *principales*.

Ex his dignitas Ecclesiastica pressè **148** sumpta (de qua saepe fit mentio) potest definiri? quod sit præminentia habens administrationem rerum Ecclesiasticarum cum jurisdictione ordinaria in foro externo. Unde ut sic hæc tria *Dignitas, Personatus & Officium* differunt: nam *Dignitas* est administratio rerum Ecclesiasticarum cum jurisdictione: *Personatus* habet sine jurisdictione prærogativam v. g. in choro, & confessu locum honorabiliorem: *Officium* est administratio rerum Ecclesiasticarum sine jurisdictione. Dicitur etiam quis habere dignitatem nomine, & non re, si pro consuetudine patriæ, & Ecclesiæ censetur dignitate prædictus, quamvis omni administratione & jurisdictione careat. Hæc ex Sylvæiro V. *Dignitas*, Molina *tom. 3. D. 620.* & Azorio *tom. 2. l. 3. c. 13. à q. 3.*

Cum autem Religiosi Societatis JE. **149** SU, post solemnem professionem emitant inter alia, duo vota simplicia, alterum sub hac forma: Promitto nunquam me acturum, vel prætensurum, nec indirectè quidem *ut in aliquam prælationem,*

36 Tract. in Lib. III. Decretal. Quæstio V.

vel dignitatem in Societate eligar, vel promovear. Alterum sic: Promitto nunquam me procuraturum, prætensurum vè extra Societatem, prælationem aliquam, vel dignitatem: quare potest, an illi duo termini *prælatio*, & *dignitas*, idem veldiversum significant? Ex. quod Sanchez l. 6. Decal. c. 18. n. 25. non distinguit in priori voto prælationem à dignitate, sed asserat ea duo nomina posita fuisse claritatis gratia: asserit deinde ex mente Generalis Claudi, nomine *dignitatis* ibi intelligi officia, quibus annexa est jurisdictio ordinaria, vel delegata, quam habent Generalis, Provincialis, Praepositus, Rector, Visitator, Vice-Generalis, Vice-Provincialis, vice-Praepositus, vice-Rector. Quarè non franget votum, si quis procuraret fieri Assistens coram Generali, Magister novitiorum, vel Theologæ, Minister, Consultor, Admonitor, Concionator; seculs est in posteriori voto, ubi distinguit *Prælationem* à *Dignitate*, & asserit nomine *Prælationis* extra Societatem intelligi Episcopatum, Abbatiam, quæ habeat jurisdictionem quasi Episcopalem, Vicariatum Generalem Episcopi, & quodcunque munus habens jurisdictionem in foto externo in sibi subditos: nomine *dignitatis* venire Cardinalatum, & quacunque aliam dignitatem in Ecclesia, & si prælatione careat. Officium parochi nec *prælatio*, nec *dignitas* est.

ARTICULUS. II.

Quid sit beneficium Ecclesiasticum?

150 *B*eneficium apud Latinos est munus in aliquem collatum, cum de altero quis bene meretur: ac proinde est id, quod in alterius salutem, & utilitatem colloccamus. Apud Legistas sumitur pro *privilegio*, L. util. ff. de constit. fine. idem pro officio serviendi, quod homo homini tribuit ex liberalitate, in usibus feud. de milite Vas. c. *Ubertus Beneficium Juris* est id, quod à jure conceditur, & indulgetur. *Beneficium epistola divi Adriani*, de quo fit mentio §. *Si plures*, instit. de fidejuss. est, si unus e multis fidejussoribus de toto debito conveniatur, rectè excipiet, pro rata parte duntaxat solvenda. Apud Canonistas, & Theologos, sumitur pro annuo proventu Sacerdotis, vel Clerici,

quem percipit ex Ecclesiæ bonis, nimis agris, prædiis, primitiis, decimis, & aliis rebus. In hac acceptione dicitur *Beneficium Ecclesiasticum*, & juxta Azor tom. 2. l. 3. c. 1. q. 1. & Lessium l. 2. c. 34. n. 1. ex variis sic definitur; est *jus perpetuum percipiendi fructus ex bonis Ecclesiasticis*, propter aliquod officium *spirituale*, auctoritate Ecclesiæ constitutum. Unde constat, tria possunt in beneficio distinguiri. Primum est *officium*, seu *obligatio*, qua quis tenetur functionem spiritualem obire, ut facere sacram, recitare horas Canonicas, administrare Sacraenta; Secundum est *jus perpetuum percipiendi certos reditus ex bonis Ecclesiasticis*: quod est propriè *beneficium*, & censemtur *spirituale*, quia oritur ex officio spirituali, in quo fundatur: Tertium sunt ipsi fructus temporeles, qui debent percipi ex bonis Ecclesiasticis, nempe DEO dicatis.

Certum *Beneficium Ecclesiasticum*, tanquam species continetur sub nomine *Praebenda*, tanquam genere. Duplicem habet acceptiōnem. 1. *generaliter*, & sic supponit pro præbenda spirituali, præscindendo, an ea præbenda concessa sit in *perpetuum*, hoc est, ad dies vitæ illam habentis; sive solum ad tempus, etiam auferibiliter ad nutum ejus, qui concessit. 2. *specialiter*, prout explicat præbendam concessam in *titulum*, seu in *perpetuum*; & in haec acceptiōne recipit definitionem præcedente numero allatam. Hoc jus secundum se, & formaliter non est aliquid *spirituale*, sed *temporale*, cum sit ad percipienda temporalia; dicitur tamen *spirituale*, quia fundatur in aliquo *spirituali*, nimirum in obligatione præstandi ministerium *spirituale*, v.g. celebrandi, ministrandi sacraenta, predicandi verbum DEI, dicendi horas Canonicas.

Illam porrò *perpetuitatem juris*, per 152 quod definitur beneficium *specialiter*, & propriè acceptum, volunt aliqui constiere in eo, quod ex se, & fundatione sua non vacet, ac desinat morte possessoris, licet illud habuerit revocabiliter ad nutum concedentis; sic Azor p. 2. *Inst. moral.* l. 3. c. 1. q. 2. Layman l. 4. *Summa*, c. 1. Hoc quidem verum est requiri ad beneficium propriè dictum; Sed non sufficere ad beneficium prout communiter accipitur in jure; ac proinde insuper requiri, quod